

奇

觚

廩

詩

集

奇觚頤詩前集

長洲葉昌熾

丙子

登幕府山

兩崖驚一束直下水朝東浪接長天白山因劫火紅歸雲迷
遠樹落日隱孤蓬欲問南朝事滄桑憶謝公

舊是行軍地登臨發浩歌艸綠纖徑密花發亂山多擊鼓魚
登市持竿豕渡河乘風空有志心事已蹉跎

丹陽道中

落日荒城畔輕舟下水忙淺灘搖白葦舊縣問丹楊地僻留
蕭寺天陰泣戰場忠臣埋骨處千載豔睢陽

題吳子申讀畫圖

觸手鐵勝散古芬循環不厭百回勤若教寫出雲霧象詮釋
應繙畫說文

澹然子墨學徐熙不減銜杯誦楚詞更有輞川小山水分明
譜出畫中詩

千牌萬緼共幽探繞頰津流味亦甘無耳聞聲非口說阿難
妙諦靜中參

底須刮目用金匏煙雨縱橫境不迷一卷摩挲經萬遍未曾
口沫手先舐

謝家品藻不嫌苛詩品爭如畫品多願陸正經楊鄭史三冬
清課足銷磨

歷案何煩書鎮加琤琬贏得玉鴉叉倘然誤落吳宮筆猶認
蠅頭細字斜

題畫贈道人李某

鍊汞燒丹士蕭然野服宜淵源尊藏室香火奉伊耆瓊笈仙
家訣琳宮劫後基平權坊畔過相與話希夷

丁丑

題陳培之戶部燈下填詞圖

迦陵才調世間無况有填詞一幅圖注罷蟲魚按新譜辦香
合炷小長蘆

君家詩學本毛萇回首城南舊艸堂

君爲顧甫先生高足校先生住蘇之葑谿

長古文平水韵一編更與枰偏旁

君著有今韵正義

鵝谿子墨澹於煙燕市風塵已十年爲問畫師吳道子章江

何處一帆懸

是圖爲吳感尊所畫時客江西

潘孝婦詩

孝婦爲磨生丈之尊妣

滎陽婦系蔣氏歲維乙亥作嬪夫子時生二十有三年鄉黨
尊行莫不嘖嘖新婦賢結褵未十載別鵠摧霜絃妾心自信
古井水地下何難殉夫死妾死不足惜何以代夫供子職上
有白髮姑下有黃口之兒索哺啼呱呱妾身爲子兼爲母仰
事俯育支一手從茲長齋繡佛前一燈漆室風穿牖天何不
良父母姑嫜相繼云亡婦心兮滋戚婦病兮益亟哀哉項折
有聲婦之死生視姑爲重輕吁嗟乎孝婦之孝兮雖死猶榮
哉哉綽楔門前旌請書中壘傳用示萬古型

吳烈婦詩

烈婦姓潘氏磨生先生之姊歸于吳無子早孤守志咸豐
十年粵匪陷蘇州婦投池死一門同死者六人磨文爲作
傳徵詩並請於當事得旌如例

母能全孝女全貞含笑相從下九京千載常流魚腹恨一家
竟共燕巢傾天憐苦節同高愍弟幸能文似屈平不愧女嬰
遺烈在范家莊外暮濤聲

次韻和西圃師七十自壽詩

吳會富魁碩羣才輩輩出匡鼎談詩豪枚舉作賦疾我師開
絳帷校練宵繼日問字進生徒傳經兼子姪論文貴根柢詞
華在所黜自維謫陋姿步趨奉準率竊比鄭昞模願爲孔曹

卹非才尙不遺可知士無失

東陽顏氏子不弱覽與祥流風被毗俗其縣名烏傷具區有

孝子高義凌秋霜我師哀其志悱惻生詩賜作歌表祿之與

世以周行

太湖采蘋者李順福事母至孝師爲作傳及詩以表揚之並徵題詠熾亦爲七古一首今孝子已死

吳渾河萬里來源遠流自長天方錫純嘏如陵復如岡儻葛

適天放身世常相忘

杜埤謝朝華斯志在黃老香山舊閣邊繞室蒔花草

白香山有夢到

花橋水邊之句師所居花橋巷敝廬卽在其西

侯芭容日來孔融年獨少徑蘭發古

香窗蕉解文祿臨池魚可親拂牖鳥亦好堂前三株松歲寒

共相保龍門幸咫尺承學敢不早春風一披拂奚難振枯槁

周官重荒政在遂人委人漢京太倉粟粒粒皆紅陳義倉隋

始初遺法良足珍奉行苟不善實惠難及民誰知天之天一
視而同仁我師惻然念自比稷契身振散得其術鉤校如有
神吳郡豐備倉師主其事里邨慕高義辦香當撰辰

柴桑種菊翁不爲五斗仕達節簞千載聞風猶仰止且爲宗
慤游肯作謝安起崦西有先宅常羊適杖履銅井與青芝處
處風物美山梅笑相迎湖蕖香且旨還尋柏因約此心殊未
已願從長者游洗春薦春祉先生贈詩有準擬明年香雪裏萬梅花下一尊同之句

瞻韓旣接席入楚方乘流新吟鄂渚月舊夢滄江漚程工失
其渠習射誰爲侯願招控鶴侶更揖飛鳧儔登樓弄長笛一
曲行雲酬滌筆大江水底使俗慮瘳再拜斬麋壽千里郵筒
拙會當返故鄉三徑隨羊求

登黃鶴樓

長江古稱天塹雄其勢曲折奔向東千山萬山夾江峙誰其
鑿者神禹功荆門以下勢愈疾漢水之汭流交通召堯一樓
切雲袤高俯大別凌蒼穹涼秋八九月絕頂來扶筇天高葉
脫氣箭橫舉頭萬朶青芙蓉風帆到門若平揖釣竿欲拂扶
桑紅鵲尾不可接鶴去蒼溟中過江名士臥於鮒登樓老子
氣若虹岑牟搥鼓爲傲吏短衣擲笛隨仙翁俯仰此間亦大
樂何必更上蓬萊峯謫仙一去不復返後有作者皆附庸不
如擲筆付流水百觴且醉茱萸濃我今到此百感集縱覽舊
蹟心忡忡犇流自古限南北上控全蜀通巴賈孺子瑜大弟
蒙紫髯霸業開吳宮忽聞鐵鎖斷巫峽旋見青蓋降金墉祖

生擊楫志未已陶侃運甓情亦同晉宋齊梁拓跋氏弱者爲
守强者攻一朝北兵竟飛渡叔寶請作長城公可知天險不
可恃萬里安得丸泥封方今江波幸無恙列郡互市通華戎
戈船長技雖云疾戢戢海上來艤艦荆襄門戶恐難扼夔巫
阨塞將成空下瀨將軍方肄武習樓戰士休歸農王公設險
古所戒願叫閭闔陳愚衷

九日武昌和石君卽次其韻

纔罷燕游作楚游登高棖觸不勝愁蕭騷脫葉亭皋下惆悵
飄蓬水國秋作客鄉生還入幕感時王粲獨登樓江山滿目
歸何處且把茱萸插滿頭

畬石君原韻

少年才調壓南州擊楫乘風萬里流名士江中揮白羽

君嘗在長

江水師營

佐理營務異軍海外擁蒼頭

日本戍番之役偉丈奉

命渡

人自爲

新詩一卷推溫李舊夢三生證阮劉

君有夢遊天台記嘗屬余爲序

今日詩壇同角逐不知誰是管城侯

和李篁西觀察見過琴湖官舫原韻

代

好風入戶牖池水清且溶一日幾晴雨百卉交丰茸舊徑關

榛莽曲折流泉通一亭與一石點綴亦自工開軒集嘉客披

豁襟懷同逍遙契蒙叟清淨師蓋公登高縱雙睇落木彫霜

容憑闌指黃鶴遠舉超雲中

黃鶴樓有遠舉雲中四字額舫中適望見之

江流極

浩蕩長嘯開心胸楚地固衝要其俗非顓蒙川原既明秀佳

氣常蒸瓏

朱子白鹿洞賦

遠聲雜鴻雁近顧炊煙濃平生憂

樂志夙仰希文風君言實起予敢盡區區衷

黃鵠山曾公祠

赫然功業繼雲臺丞相祠堂古堞隈繞郭濤聲從峽下背山樓閣面江開天留一老支全局地值三湘產異材莫道東南今底定諸公辛苦闢蒿萊

除夕新自楚歸檢點篋中得影宋本陶淵明集三部寄贈芍船同年昆仲系以小詩

楚國歸來雪滿船峭然詩思淡於煙江聲彭澤喧天外山色

匡廬落眼前正值紀元光緒日重雕佳本紹熙年馮已錢王

黃鵠

顧潤

消磨後佞宋何妨附昔賢

編年甲子斷何時江左風流盡義熙避世寓言輕魏晉閑居

清夢晤黃義鄰家昨日方招飲詞客今宵例祭詩委志琴書
原不俗泉明正合爲君師

戊寅

元旦書懷

不覺流光逝蕭疏鬢欲蒼江湖遊食倦歲月校書忙爨下桐
將燼滌中芷不香百川支一柱終可障瀾狂

題葉鐵琴節婦貓蝶圖

節婦秋屏先生之女嫁同里周氏早寡守節能詩工畫此
圖爲其尊人祝壽取耄耋之意先生眷懷遺墨徧徵題詠
敬賦二絕以歸之

璇閨茹蘖奉君姑留得清名滿五湖豈是畫師工渲染荷香

花下睡猶圖

我亦淵源本石林宗風瞻仰實堪欽一篇史筆分明在足當
張華女史箴

李心齋丈將有粵游出舊所繪搗琴訪友圖囑題卽成五言
兩首並以送別

回首滄桑劫鍵關隱薜蘿良朋隨地合名士過江多畫卷半
腰束琴囊蹇背馱竭來吳市隱山色占雙峩先生僑寓吾吳承天寺前地有土阜二郡志所謂雙峩也

莫作高山曲且爲流水音成連今不見海上刺舟尋風雨羊
城夜懷人思倍深歸來許滿袖不羨囊中金

題潘碩庭藏遂園禊飲圖和西園師原韻

上巳湔裙歌采蘭韓詩欲索解人難弟兄並擅龍文譽賓主
誰司牛耳壇王謝一門容繼軌羊求三徑許追歡最憐傳是
樓中物一樣零縑刼已寒

錦題玉躑未飄零一瓣心香許乞靈草木平泉尋舊跡衣冠
洛社識真形傳經自覺丹鉛樂展畫常留姓字馨今日斗山
欣有屬侯芭居本近元亭

謂西
園師

己卯

述懷兩首

流光一剎那俗塵寸寸積寒灰不冒然明珠分相擲惘惘出
門去天地氣象窄不逢鬼挪揄卽爲人指摘良驥嘶不鳴毛
骨遭揃剔追風會有時排闥振六翮

讀書既善忘翻思窺閭奧章亥所未周
展齒亦能到漢唐諸
老師遙遙我先導庶幾宋元來昏翳可盡掃
所慮眾楚咻俗
儒以耳剽不量蚍蜉身欲撼樹十抱勗哉矢令名一息百喙
噪

章覺夫先生殉難詩

列帥東南盡倒戈死綏偏出碩儒多
一家父子完忠日不愧
文山正氣謠

簪雲仙館亦滄桑睂井霜寒玉鬢荒
獨有丹心終不滅夜深

劍氣奪干將

先生所居簪雲仙館在干將坊

題畫

墨搨曼生壺中插一折枝佛手柑

祇樹園中幻相散花座上前身不與壺公偕
隱卽共陶家卜

鄰

庚辰

題瞿濬之丈虹月歸來圖

絳雲一炬劫灰餘珍重零編好護持精槧斷從天水代舊鈔

爭豔子雲書

君家藏舊鈔本以子雲太元爲最古猶宋人舊蹟也

千金有值求良驥一

字無訛辨魯魚廿卷解題經手定皮藏家合等璠璣

無端小劫幻滄桑十乘瑤華捆載忙芟舍敢忘佞宋癖桃源

欲覓避秦鄉天留江北家堪託

赭寇之亂君盡以所藏善本十餘篋避地至海門

地

異河東篋未亡萍梗天涯飄泊定歸來重署趙家堂

是圖取趙德父

歸來堂之意

舊時鴻印未全銷烽火於今已寂寥書卷間關離虎口畫圖

整束似牛腰匣中劍氣光猶燭爨下琴聲尾詎焦君藏書處爲鐵琴銅

樓從此書倉重卜築瑯嬛可到路非遙

海虞本是積書巖我覩奇書眼更饒細檢新籤排甲乙不隨世味共酸鹹向歆別錄原家學陳晁諸公已發凡竊恐金根翻誤改尋常一字不輕芟

曩歲會爲橐筆游歸來宿草已山邱千秋文獻空吳會一紙

音書到鄂州

丁丑余游武昌得芾卿同年書始知君歸道山

鎮庫依然留寶笈鑿楹

幸不墜遺謀

張月陳子黃復顧濶

飄零盡無恙君家虹月舟

乙酉

思謚兒不置悼之以詩

何待長離到此時出門揮淚已先知匆匆墮甌休回顧自歎

心腸木石爲

墮地雙瞳卽半盲
爺娘面目不分明
夜臺寂寞誰爲伴
先爾長眠有阿兄

戊子

題華蘧秋山水卷

代

荆蠻山人著書老一邱
一壑偶爲之禮堂
自有千秋業不共
雲林稱畫師

披圖令我豁雙眸
萬里煙雲尺幅收
惆悵風流今已杳
有人灑淚向西州

題潘碩庭歸研圖

吾郡袁氏五硯樓
清容一研爲澄泥
述庵侍郎之所贈
繪圖

者誰錢唐奚君家三松老人爲作記其文具在非無稽今君
亦得松堂研繪圖亦復來徵題此研傳自古竺塢紫雲一片
凝端谿其形橢方背如砥銘十六字字不迷觸石生雲雲生
水水雲一色如玻璃停雲翰墨妙天下想見落筆追羊稽自
歸松堂已五葉寶護不啻躬桓圭燕臺昔隨行篋返吳市又
費兼金攜楚弓得失偶然耳物壽亦若彭殤齊轉展不落馴
僧輩搗阿疑有神靈兮羨君研田猶世守敬佩祖訓如佩觿
厥田雖石石不礪如赤埴墳如青黎譬若農夫是穠藜畬畚
經訓刪稗穉君之方聞吾所畏作詩往往超恆蹊牙籤金甌
遞羅列齋中光怪干虹霓我家與君望衡宇一牛鳴地花橋
西登堂願拓銘一紙媿以太元雙甕如連雞我詩雖俚敢以

請不濡味將歌梁鷄

題袁渭漁寄蛄園

人於天地間浮生一如寄鼎鐘享大名錐刀競末利及其同
盡時一一敝屣棄游子歸故鄉此理可罕譬吾友汝南公所
寄與世異其物名曰蛄从蛄者借字長寸廣二分腹有蟹附
麗爾雅所未詳其詳見班志不啻蝸角爭亦同蠱睫愁又若
蛩蜨偕更類鵜鰈儼蓋於一微塵曠然有天地竊聞湖海閒
覓食良非易縱爲升斗謀當思網羅避寥廓鴻冥翔濠梁儻
魚逝俯仰天地寬皆足適我意何以君所棲乃在么麼細我
言幸勿嗔聊與君相戲

濟舫觀荷和黃子壽方伯韻

濟舫在今藩署
爲王文恪故宅

細草如茵萬綠稠階前奇石閒清流諸生官閣聯觴詠介弟

名園憶壑舟

壑舟園在洞庭東山王文恪弟秉之所築

翠蓋輕翻魚作鰲紅闌斜

倚鷺爲儔城西更有青瑤嶼亦復堂坳一水周

皎然出水眾香稠此是花中第一流浮葉浦中堪作鏡結茅

岸上似牽舟自非劉白誰同調

王文恪自題怡老園詩爲問午橋閒相國自非劉白更誰

親

曾有都楊此命儔

楊君謙循吉都少卿穆皆爲文格賓客

矧是愛蓮遺說在

使君清節本同周

水車行

赤雲當空日卓午農人盡道戽水苦翻騰勢旣等轉輪嘔啞
聲還類鳴鑼以機激水水轉多皎如匹練懸銀河高岸千仞
逆而上飛泉百道旋成盪朝戽水夜戽水一家盡赴西疇裏

胝足病老翁蓬頭呼稚子異時豐稔不可知今日辛勤有如此去年暘雨時用力不多田已治今年歲不熟日日戽水不足吾言告農夫慎勿歎且吁吾吳古稱澤國地環以三江浸五湖高原與下隰一一賴灌輸雖旱猶可謀補救不至顆粒倉箱無君不見燕豫之郊水載途監門方繪流民圖

和黃方伯濟舫課士詩原韻

南州召徐穉東閣延枚生論文貢衿臆采俗通輿情我師健詩筆五字逾長城傳牋示四座遞共籌觥更時惟歲十月小子將北征緬維知己感別思襟懷盈匠門有樗櫟棄材累公明懸知赴京闕悵望江雲橫自公至吳會愷悌流政聲視民之疾苦不啻林雍輕偏災偶以告寤寐哀鴻鳴漢京重循

更洛社推耆英薨麥尙可播喬松晚益榮天方倚良牧活此
彫劫氓此理自可必毋問洛下閔

游法源寺靜涵上人出虛心圖屬題成三絕

未證謂證辟支果難語人天微妙音誰識觀空無上義一言
拈出是虛心

山花木葉度真丹應願契經融會難正是觀河精進日爲師
更豎一幡竿師自記有發願開三藏全經百尺竿頭再進一步語

平生石癖歐趙外又到招提締墨緣一自開元一遼刻藏經

閣畔戒壇前余嗜石墨尤嗜經幢所藏拓本逾五百通寺中有唐開元十四年經幢在藏經閣下遂王思進
戒壇前

己丑

宋槧婚禮備用月老新書前集十二卷後集十二卷奇書也
舊爲延令季氏所藏後歸大興劉氏君子甄館吾師子壽
先生爲劉寬夫先生之壻於劉氏得此以畀再同編修爲
世守之寶己丑春正出以見示作長歌紀之

士禮十七篇昏禮居其一吾子有惠貺室某媒氏導言幸毋
拙請醴敬以先人辭問名謙言誰氏出束帛五兩旣納徵御
輪三周斯迨吉母令門內爲施盤贊者房中正設鼎從茲相
謂爲婚姻想見從行皆娣姪義取日入三商時期惟霜降九
月節或言仲春陰陽中不逮初冬嫁娶畢最宜穠李盡成雙
過此標梅將實七周官夏正可互參毛傳鄭箋各異說豈非
著代重貞恆自是同牢貴逮匹君子將言附薦蘿諸生安可

無茅蕝自宜通俗攜巾箱不獨調人在麴葉此書出自麻沙坊其時適當天水末姓名不署作者誰梨棗但求利可乞男家女家共主賓前集後集分甲乙纂圖互注意相同別類分門事無缺攷古粵稽戴氏書徵今先列文公筆詞章雙壁供濡毫前集第十二卷一百餘事婉淑雙壁凡七聯一十四事姓氏五音聽吹律自卷二至卷六皆姓氏源流商書制度尤絕奇後集首列商書三幅皆以色牋寫連卷內於面中其面以黃楊枰木爲之長一尺二寸闊一寸二分於中間鋸作三道陷線處蓋上中心鑿一方痕深一分入書後以五色線三條纏縛於方痕處結定以蠟填之上書一全字此乃本朝官親及士大夫所行之禮近世庶人之州縣官位皆具列某縣某官宅某家從簡祇以可漏子封之官帖式有查田若官論財已贈五十田干房卧若干閩候且周基歲月十二多用申詞肅詞寅詞躬聞闡小禮于歸敘及時圓封可候等字劄子中亦用之不知何義

漏知何物

可漏子見前又論劄子式云今日士大夫家只用

漏子不知

神仙眷屬鳳兼麟

新聘書題劄子其弟六劄云某

何物也

鞭鳳之眷答云某再拜申問親

太史詞章蜂采蜜聘啟中采

家安人

五城十二樓之眷

狀元洪舍

人諸作

破鏡有時更上堂

後集卷二有再成通用披緇亦

許歌宜室

通用聯又有為僧尼道術設者至云桑門甚寂雖

業緣未斷

難逃時敢忘於授室真堪噴飯羣賢之中著屠沽編戶以降

至走卒

聘啟無業不備有印匠答田家木匠答田家屠家娶

綵帛鋪如此諸

溝中流葉或為媒道上倡條洵堪折

有娶倡

類不可枚舉

大去何妨有戴嬌

有大歸奩相攸自謂皆韓姑伐山何苦不

辭煩求野終堪矯禮失聽琴微惜尾已焦

後集第十二卷致語

謝類祝文類致語

類已

插架還當指先屈中權魚尾認標題

每魚尾余所見宋時

坊本多如此小字蠅頭未磨滅凡廿四卷至足珍近一千年猶未

佚結繩月老稱題眉揮塵風流助談屑尙無感悅奔不禁亦

若彈冠用可必彈冠必用亦宋坊肆中陋書延令季與大興劉藏弄源流

可追述寰海應無第二書館輒知與成雙絕劉氏有漢河間獻王君子館輒

十側聞壻水得縑細更喜師門積簪笏從茲常爲鎮庫珍謁

來容我披函閱一詩聊當酒一瓶呵凍拈毫天欲雪

題黃再同太史所藏宋刻撰集百緣經

布地黃金揖法壇百緣從此締旃丹漫從估舶求唐寫楊新吾廣

文在日本所得唐人寫經卷子且喜精藍出宋刊福州等覺寺沙門普

皆用硬黃牋余所見共三軸明收經板頭錢印造過去赤魚千劫換所存第一品爲蓮子遺丹風一

毛殘普明雕造五百餘箇此經亦有十卷今僅存十緣墨光紙色分明認插架遺聞

糾攷槃余所見北宋刻本皆筆畫方勁墨光如漆與此相似而屠隆考槃餘事論北宋本乃謂紙堅刻軟又謂用墨稀薄真妄言也

琅函緹帙爲莊嚴一字還應值一緡帖寫千文猶智永卷中首尾

皆有涇字卷面有金書涇字當是以千字文浮渭據涇編號康熙中所刻大藏此經列一百三十八函承字號其次不同

經翻三藏自支謙吳月支優婆塞支謙譯因緣佛爲有生說歲月吾從

無字拈舊有題字三行爲裝池所損第三行某年甲申五月

惟宋甯宗嘉定十七年爲甲申則所損必是嘉妙法蓮華開

定及十字耳以前三行求之其上適缺三字寶本二難同傍鄴侯籤再同又藏宋開寶六年性遇以金銀字寫妙法蓮華經一冊

題周虎如廣文海棠亭圖卷

粵西橫州學舍舊有海棠亭以祀宋秦太虛毀於兵燹文
亮卿刺史鳩工重建虎如爲繪圖徵詩

橫州古鬱水博士亦儒官萬里君歸地同來客裏看流風渺
淮海苦雨卧長安龍隱巖前字何時締古歎虎如許為拓龍
隱上下巖及會

公巖
題名

萬柳堂前柳蕭條猶昔時京師萬柳堂搖落盡矣鄭奩師欲
為補萬柳堂繪圖徵詩實未嘗補

也何如瘴江上爭詠海棠詩周密舊詞客藍瑛名畫師圖為
藍瑛

孫所
繪微雲山抹句寫出為神移

庚寅

題井闌拓本姚公蓼晉石厂藏

井闌箸錄誰最先句曲殘字天監鐫此井晚出吳市塵石質
不損文粗全父張母黃共捨錢願為亡女作功德泉薦拔九
幽升諸天火宅十丈開青蓮重修歲月經屢遷紹熙下訖寶

祐年誰歟道士爲幹緣姓名剝蝕難攷研姚君媚古博且崱
石癖不減歐趙賢輦置此石來齋前不教散落隨雲煙示余
打本翠墨鮮泐字一證孫伯胤末一面孫氏訪碑錄題寶祐
四年七月此拓四字已泐下
題口元後口日據孫氏七月則元上當是中字亦不可辨矣未及百年石已然何論滄海
爲桑田安得從君乞椎甌荒厓古刻一一皆流傳

題翁亦泉虞山感舊圖

亦泉余舊交也其長君印若茂才從余游銳志好古不徇
於世俗之學君歸道山之三載印若以此圖屬題適余將
于役京師倚裝作此

猶憶垂髫日虞東出走餘健兒爭棄挺弱弟共牽裾翦紙魂
難續乘桴計未疏披圖一回首令我重欷歔庚申之難昌熾
僅十二齡侍先

君子避地虞山未三月而江陰之賊東竄倉皇
奔避屢瀕於危既由海道至如皋始慶更生焉

君亦更生者當年別有家負親逃虎穴舉室委蟲沙痛定思
良藥更闌憶夢華不堪身世恨欲說淚如麻

天心原不爽祖德況堪論劫火銷餘燼詒謀裕後昆葛藟根
共庇松菊徑猶存咫尺高齋畔清談共一尊

敝廬與君
所居密邇

一自臨歧別山川悵阻修君隨雙鶴去我作五羊游

君歿時
余客嶺

嶠舊侶黃墟杳遺蹤翠墨留傳經有賢子勗爾服先疇

題陸方山先生潤州論詩圖

論詩若到魯孔氏陳思入室稱弟子景陽潘陸坐廊廡妙哉
鍾嶸說如是元嘉以來朔五言謝客爲雄餘莫比綺詞誰與
埒齊梁健筆還常推杜李此事亦若火傳薪先聖後賢百世

俟潤州學舍倚江城廣文先生古博士談經餘事且談詩坐
對官牆尺有咫牢膳誰當薦楅衡鼓鐘孰是陳懸廋空言或
墮野狐禪僞體難追風雅旨是猶孔墨擬弗倫合等荀揚黜
無祀至今重讀意若詩力闡榛蕪追正始太息流風不可攀
但展遺圖深仰止

題王子獻昆季髮塚圖

松精爲琥珀月暈隨珠璣陵屯爲陵舄無非蠅蠚衣吹萬雖
不同觸處皆生機矧茲孝子髮至性世所希蚤掄并祖括瘞
埋非禱祈精氣藏地下上感三春暉九光函竈發一本重臺
肥一枝挺然秀皓如霜雪霏一枝作深紫附注同韞韞純孝
帝所錫搖光神其依宜有鸞鳳集莫任牛羊腓遂令謝墅塚

不啻商山扉蓼莪有餘痛棣萼相爭輝觸我鮮民感披圖重
歔歔欲爲笙詩補愧非東廣微所幸白華什卽兆金帶園長
安十日雨作歌送君歸我歌僅嘲哂曾閱君庶幾

題法源寺僧靜涵上人虛心圖

代

談禪曾到贊公房此是城南古道場祇樹津梁無上義散花
樓閣自然香石幢松下捫殘字金甌箱中放寶光究竟如來
眞見否請拈拂子一登堂

做啞裝聾歲月深忽聞獅子吼雷音常從經典翻名義便豎
旛竿證道心師自西來開鹿苑我將東去訪雞林倚裝火速
爲題句紅杏青松共古今

辛卯

宮詞三首

女蘿爲帶薛爲裳
淡薄紅兒別有妝
高髻雲鬟空復爾
春風不到杜韋娘

妙藥空勞獺髓醫
羊車聽到斷腸時
自憐誤讀開天事
浪費桃花合畫脂

漫說承恩記畫工
玉顏妬煞尹邢同
歲華門戶千重鎖
總有黃衫路未通

癸巳

送龍伯鸞南旋并寄梁星海前輩

我昔游海南獲交兩年少
君與江夏生

謂黃季度孝廉

英英擅二妙

良玉出孚尹
鰓慮發潛曜
絕學溯鼃陳
陶

春海同年

梁節庵爲先

導几塵與風葉丹黃經手校發屋續傳燈登壇先執珥餘子
如荝莒一一列享頰涼風起木末析厯鳴眾竅送子出國門
一觴爲君酌朱絃疏越音終當貢清廟

君過明聖湖爲我告節盦故人在京邑寂處同瞿曇四首對
鉞帙守口師瓶甌河清亦可俟世無彭與聃客歲得倣裝臨
風展君函爲言稽生懶刺促非所堪見機苦不早自縛如春
蠶故山有松桂念此徒懷慙安得隨征雁直下江之南扁舟
橫北固同訪瓜牛庵

黃蔚亭徵君八旬自述詩題後先生精天算之術著有厯學
南鍼方平儀象兩太交食捷
算五緯捷算等書又嘗繪浙
省沿海輿圖成測地志要

枕度常融本列仙攝生妙旨契彭篴豆觴枌社尊山斗薪火

梨洲奉墓田借箸還聞籌海策懸弧喜值杖朝年乞言早下
蒲輪詔矧際重賡頻水篇

漫從渾蓋測天形捷算先傳海島經縮地山川同聚米授時
弦望協祥莫涪陵真種留文字洛社耆年見典型著述等身
先不朽豈徒祀菊爲延齡

甲午

題王止軒同年墨蛻圖

霞西

沈布衣
文榮

不作悲盦

趙大令
益甫

逝大吉樓空一剎那

杜氏越
中金石

錄

翠墨憑君留種子新詩百首共摩挲

陶心贊同年有絕句
百首論南北書派

秘監遺文出劫灰石幢新自戒珠來

君訪得賀知章龍瑞宮
銘及戒珠寺石幢拓本

見

貽願君更訪王涓字翠堵荒厓掃綠苔

戒珠寺尚有咸通三
年王涓書已佚

題費芝雲兵部山寺品泉圖

天風獵獵帆側翅送我直到江心寺寺門窺窳藏修篁紺字

臨空下無地巖畔摩挲瘞鶴銘劍南題字莓苔青名山已無

守藏吏

謂阮太傅書藏散佚

上座尙有談詩僧且開丈室安鐺腳泉味

中泠清可酌細雨帆來瓜步舟疏風鐘出松寥閣回首前游

已廿年披圖今在長安邊昊天寺井不知處城西惟有玉河

泉玉河泉水雖甘冽九陌輕塵吹不滅亦如寒具色沾油縱

有旗槍味殊劣何若江頭百丈洪銀餅下注冰螭宮陽羨磁

甌曼生製松柴活火炊微紅況君菟裘在林屋消夏灣頭四

圍綠園中橘柚足充租池上菱荷可製服何日青山許卜鄰

山泉共煮碧螺春不輸揚子南零水作記重追張又新

題張孝達制軍尺牘

同治辛未張孝達制軍與潘文勤師大會諸名士於龍樹
院手札七通治觴召客文勤捐館六年其家攜圖書南下
一殘編鬻翰流落毫芒人皆奉爲至寶江陰夏間校太史得
此裝潢成冊以昌熾平津舊客出示徵題謹賦六絕不勝
今昔之感

公車雲集京師日名士城南倒接離顧及君廚隨品目袖中
夾袋更遺誰

相見蛾眉關尹邢經過趙李各娉婷輸攻墨守飛雄辨客座

新聞大可聽

謂趙撫叔大令
李越縵侍御

一時賓主東南美隅坐小冠尙雨三落落晨星今有幾孫黃

以外數張譚是集多浙東西人士三十年來並登鬼錄今所存者經學如孫仲容孝廉黃元同學博詞章如張子虞前輩譚仲修
大令亦皆成老宿矣

未攜供帳後車從聽到闍黎飯後鐘絕似東坡蠹字謎清談
枵腹坐槐龍潘文勤師嘗爲昌熾言孝達前輩未攜行廚客至無饌召餘慶堂咄嗟立辨同人傳爲笑噱

十卷人家繼趙侯卿雲如蓋覆歸舟一編曾見西齋目思到
平津話舊游

百川海若赴歸墟萬柳新陰補種餘海內龍門更誰在挂帆
宜食武昌魚謂孝達先生

張荏南同年屬題孔退谷瓦當印文冊子

令適中唐漬薛班離宮駘盪駁娑間觚稜想見棲金爵試檢

黃圖證馬班

不見臣斯臣去疾寸當一字一明珠留真何似飛鴻印縮本
空山金石圖

丁酉

題舊拓磚塔銘殘字

沈韻初孝廉所藏磚塔銘殘字三種一爲翁叔均本僅三
十二字其二皆補羅迦室本一尙存全銘之半有張叔未
題字一存七十餘字丁龍泓題字於上方前有趙次閑自
繪松谷流泉小幀並題七絕一首韻初又屬秀水陶錐庵
繪山閣論碑兩圖裝於卷端今歸同年栩緣學使爲題二
絕

片碣終南出土扁花臺像外見斯銘鄭莊亦是當時體自信

知言過鈍丁

龍泓謂此銘趁發不及李文誌達甚非持平之論也唐人小品惟申屠液楊將軍花臺銘及鄭

莊梁府君墓誌與此石可相伯仲

瘦沈何如趙東武

謂趙撝叔大令

論碑精比谷林孫奏刀世有巴生

本做帚家家享虎賁

趙素門跋謂巴慰祖得足本鉤刻神采煥發及將原本對勘形似而非神似余

所見徐潤之都轉及同年費祀懷太史藏本自稱明拓未裂本皆巴刻耳

題沈綬若江亭銷暑弟二圖

來聽清梵贊公房小閣軒窗面女牆車下負書逢瘦沈筵前

揮塵說蒙莊龍華十地參高會鮭菜五湖憶故鄉釣褐寒春

猶在否結鄰未信陸莊荒

且倒金樽雪藕絲接離新脫拂衣緇車塵欲障頻揮扇朝局

休談比奕棋待訊山資王給事幸從驛遞鄭當時招提自是

清涼域門外楊朱泣路岐

戊戌

赴粉坊琉璃街別墅

鴻飛禪定入冥冥偏使蛾眉避尹邢
桃葉方華看爛熳藕絲有孔遁瓏玲
營巢舊燕如相識退直疲騾許暫停
桑下莫忘三宿地掃除陋室製新銘

莫嫌家具少於車薑蒜屏風雜異書
文室維摩堪養疾空山畏壘當逃虛
摩挲硯匣添螺黛厯亂妝奩走蠹魚
勘破橫陳原嚼蠟文園應笑病相如

題延陵吳氏兩世孝子像贊

大雅韋平述祖勒延州來裔誦清芬
剖肱綽楔旌奇節燂掌

趨庭證異聞含茶舞干還八佾安蒲加璧卻三薰高山仰止

雖云渺猶幸通家到紀羣

彥欽先生

舉首哀然列學官胸中廣廈庇孤寒魯齊絕業原推鄭籍湜
高文盡出韓早辨航頭稽古本願彈柱後惠文冠平生期許
今當慰後起青雲刷鳳翰

苗青先生

庚子

襖被別墅夜微雪枕上口占

老去風懷異昔年已登無色界諸天暗藏春色輸金屋亟盼
秋收奈石田開閣未應嘲白傅閉房始擬訪彭錢圍爐何事
消長夜靜寫金經白氎篇

距昌平十餘里之冬瓜村有教民七八十人義和團往盪盡

言
之感賦七絕二首

雷雨昆陽戰鼓催赤燄飛焰隔城來
蟬中蟻蝨猶跳盪遑問
鯨魚跋浪開

跳擲黔驢技已窮捷書盼斷大明宮
可憐億萬蟲沙劫荆棘
銅駝在眼中

拳民

蠻觸居然習戰爭蒼頭突起一軍驚
諸子繡鬚三軍笑濯鼎
扛車百戲呈場盾有同方相氏跳刀本以拍張名
牟蹕岡下
兵將到火速繻符召郭京

嚴更魚鑰九門開夾道譙聲闐若雷
香氣濃薰通帝座甘霖
渥沛澹民災桃符盡易迎神字檀越爭施奉佛財
不息咸陽

三日火漢家方賀柏梁臺

不須爲鵠與爲鵠伐鼓撞鐘舞屢傴茶火軍容終飲愷蔥衡
朝服儼觀儼通侯朱耶爭先拜醉尉藍田不敢呵道左青驄
齊辟易天門詆蕩好經過

厝火何知卧積薪橫磨十萬劍隨身舉旛慷慨思張楚制梃
倉皇起撻秦且禱神師驅鄧艾願爲厲鬼學張巡棘門灞上
原兒戲大纛高牙化作塵

殺人如草復如麻彈雨碎鏗落礮車禮褐空拳臨虎穴滄溟
赤手拔鯨牙惡聲到處啼妖鳥勇氣當年式怒蛙究竟鋤穢
非利器小人自古化蟲沙

一鼓填然氣已衰焦原跼足始知危萬家杞婦勞生祭五尺

汪童痛死綬推刃疾同翻手易覆車悔莫噬臍追二陵風雨
殺尸在蔓草青燐千古悲

龍王廟

一池功德湧芙蕖花氣踈簾浸玉蜍般若禪林堪養寂跏然
空谷譬逃虛故山未誓先人墓流水先尋長老居畫壁人天
諸變相降龍伏虎竟何如

城北來遊選佛場修羅藕孔遁何方刑天干戚交衢舞避地
衣冠複壁藏新窟山中營狡兔歧途門外歎亡羊自憐病榻
維摩詰妙偈先參藥樹王

昌平道中

青河北去指沙河回首官庭愴黍禾曠野淒涼悲兕虎危梁

窮男架鼃龜村傭辭客頻轅金津吏驅兵尙枕戈薄笨小車
泥漉漉且隨短蹇上坡陀

疑鬼疑神十萬兵長平一夜付秦坑絳冠無復游燕市青蓋
微聞入洛城市地蟲沙歸浩劫寥天鶴唳助軍聲莫言壯士
行何畏前路蕭蕭正馬鳴

昌平寓舍

淒涼身世等懸匏野衲閒雲共打包田舍停車相問訊市門
傾蓋暫論交頻呼便了修僮約且誦真如避客嘲繞樹驚鳥
啼不定南飛何處覓歸巢

矮屋垂簾似矩蓬循牆咄咄自書空牽茅屋角更龍蛻縛篠
檐前埽馬通撐牖宵廬聊蔽日閉門空穴懼來風可能龍樹

江亭畔再訪山僧倒碧筍

金莖露下淚如鉛東海揚塵又作田禪指城荒龍漢刼打頭
屋小鳥窠禪瓦燈夜課聽檐雨土銼晨炊起突煙牀角雷聲
聞鬪蟻耳邊三日不成眠

鬱葱佳氣十三陵欲起支筇病未能對策前賢嗟下第運籌
諸將渺中興訛言有虎驚投筇禁旅如貔戲釋捌剪紙招魂
前日事夜來清夢繞觚稜唐劉蕡州人有廟祀之

同舟吳越儼相忘皋廡春聲夜未央賓主敢言金箭美漁樵
共話酒杯長科頭狂態疑中散楊腹清齋學太常江上峰青
人不見天方故事說錢郎居停楊氏昆仲回回教食無肉者
兩月矣襄陽錢仲仙孝廉亦天方
人故及之

桃源何處避秦氛濕水軍都證舊聞舊令尹須新令尹

謂裴訪白

許東蕃

兩刺史大秦君與小秦君寄侯下邑悲中露名士新亭話夕

曠桑下莫忘三宿地入山麋鹿尙爲羣

次韻答秦佩鶴前輩

斗粟難爲賃廡糧瀛洲況共墨池荒皈心龍象棲禪窟接翼

鵬鸞下女牀

余寓龍王廟半月君繼至甫三日而寇氛逼矣

避地衣冠追栗里論文

聲價重萍鄉

甲午大考君名在第二萍鄉文道希首列出自斜封墨敢時論爲君屈之

菱荷何日

還初服依舊鄰牆送酒忙

蠶未成絲蠟未灰鵲絃振觸有餘哀新詞淮海囊琴至舊夢

湘絃放棹回

君奉使湘中適在悼亡之後嘗繪湘絃舊夢圖以自解

蕭寺清談頻剪燭

荒城佳節痛銜杯春明宅子如天上咫尺蓬山未許來

景從多士昔羸糧到此莊偏陸氏荒書帶近依高密里幅巾
同拜德公牀花橋老屋與君家僅隔一牆先師西園先生里第又在東頭數武嘗與君同謁先生於卧榻執
經問難宛如昨日松陵結社猶前日藤樹開門憶故鄉兩鬢飄蕭人
海老年年相約送窮忙

毗嵐風蕩劫輪灰又見王孫乞食哀鴉首翦諸天尙醉髦頭
望斷上之回講筵抗疏留金鑑複壁傳經閣玉杯飯顛山頭
君莫問赫蹏知是送詩來

昌平廨舍卽事疊前韻

絃歌垂絕在陳糧艾席葭牆此遁荒飯罷驅蠅開密牖詩成
捫蝨嘯胡床避兵客至悲同谷放學童歸進互鄉慎莫回旋
嫌地小閉門且學灌園忙

蕤賓律動應葭灰
厄閭黃楊信可哀
相傳八月置
行到窮途
車轍盡卧看曠宇斗杓回隍中訟鹿方推枕梁際驚蛇又墮
杯洗足煇湯相慰勞家家辛苦賊中來

疊前韻

瓜疇引蔓畝棲糧滿地干戈歲未荒客座釘梨堆茗榼鄰家
釀秫壓藟牀王孫末路吹簫市帝子前朝鑄鼎鄉話到十三
陵畔路昌平山水卧游忙
行篋有顧亭林昌平山水記可爲濟勝之具

切雲飛閣黝殘灰
畫鼓聲流變徽哀
天子旌旗方大去
道人劍佩自名回
鼓樓瞰一城之中供呂仙像歲久爲風雨摧蝕僅存頽垣殘瓦矣
風來山堞遙

聞角雨過堂坳
戲泛杯遺愛樂公猶未泯
瓣香尸祝使君來
潘偉如年丈曾爲昌平州牧庚申浞園之變修
陸強鄰撫綏昨庶一州晏然無恙民到今稱之

再疊前韻

龍脯空談未是糧
矧逢地老與天荒
茶鐺折腳安泥竈
櫛杖支頤話石牀
屠狗頻來居近市
聞雞剛罷夢還鄉
翠華間說遙西狩
父老留都望幸忙

轉盡柔腸寸寸灰
前塵未歎已先哀
薨薨院落蠅相弔
盼盼樓空燕未回
平視驚鴻還在筍
橫陳嚼蠟祇銜杯
瑤池倘許傳消息
青鳥殷勤海上來

三疊前韻

瓦檐烏雀噪無糧
黯黯彤雲慘入荒
積雨簾櫳成泛艇
驚雷劍匣戛鳴牀
懺除文字逃空谷
脫略衣冠近裸鄉
桑海尙存

東澗集頻揮老淚校讎忙

行篋無書惟有牧翁有學集一部

雪涕牛衣志未灰。睡窗敲缺放歌哀。寒衣開篋驚風起，殘燭移燈餞月回。碧薤畦封濃似醃，紫茄籬落大於杯。上林莫訪虞淵篋，犢鼻村居抱甕來。

鑾輿西狩將自大同移。蹕太原款議難成，還都無日愴然有作。疊前韻。

啟行何有徹田糧。卜宅幽居未允荒。星散衣冠晨下殿，風驅草木夜移牀。千屯豹尾中黃士，八達羊腸疊翠鄉。馮向雲中方出守，懸知職納藥簪忙。

謂大同知府李子丹前輩

維陽銅狄泣沈灰。又自隱桓降定哀。漢廐飛龍還待發，宋都退鷁未飛回。空存宿將三遺矢，且勸長庚一舉杯。李晟天生爲社稷，萬家免冑望公來。

輓王廉生前輩疊前韻

銘心絕品滅齋糧。昧千金過色荒仙仗。花磚迎月輦。樞

蓮液盪冰牀。石渠虎觀論思地。錦里雞坊守望鄉。

君以南
書房翰林

奉命辦
京師團練朝罷歸來書畫舫。鑒藏不廢治軍忙。

先秦文字撥殘灰。一旦元亭宿草哀。棘下談天騶忌屈。蓉城

拔宅爰卿回。麒麟郊埤空懸鼓。犧象溝泥已斷杯。汲冢耕犁

重出土。問奇何處訪君來。

輓吉甫同年熙元疊前韻

朝陽竹實鳳爲糧。蘭綺從龍起朔荒。傳粉羊車頻入市。談元

塵柄不離牀。青箱無媿傳家學。墨經相從返帝鄉。回首東華

朝退日。人天永訣片言忙。

尊甫壽山年丈以七月十二日死於北倉十三日赴史館遇君及廉

生祭酒於東華門外下車談時事時
軍報梗塞尙紛捷書之至也傷哉

秦法由來重棄灰念家山破不勝哀

君郎爲俄人駐兵之界
焚掠甚慘各國以俄爲

暴秦有以夫

苦廬盲效率羊羣松漠新聞策馬回

君奉命口外
賜奠回京未久

畫筇煙雲流楮葉詩龕風月話觴杯

君善畫工詩爲八旗眉
目且長成均故以法時

帆祭酒爲祝

褒忠輝映更生傳共炳丹青照後來

前祭酒宗室伯
希前輩盛昱有

詔付史館立傳君與
廉生前輩合疏所請也

感事疊前韻

弄兵但爲寇齋糧七日難開混沌荒房瑄陳陶嗟失律華元

楚壘怯登牀豕蛇荐食中原地勝廣沈吟大澤鄉三戰已聞

師及郢臨軒策遣太匆忙

洪鑪鍛出陸沈灰河曲移山亦大哀棄甲驚聞千兇積覆車

如引萬牛回三經滄海三高岸一卷離騷一酒杯
恁是神仙亦淪謫罡風吹下上清來

哭王伯唐同年

鐵珊英山人官兵部

疊前韻

有戀鹽車苜蓿糧長鳴天馬出遐荒
三搥鼓吏登前席千古詩人置下牀
弱冠機雲人海客中峰潯霍火維鄉
接離倒著還狂突白眼看人擁篲忙

儒冠長慟不然灰蹈海沈沙志可哀
仙侶未忘張夢晉

易寶甫觀

察自稱張夢晉後身與君交最久

鬼頭如見賀方回遺文客館誰搜篋美酒

兵厨憶舉杯一个時人今又弱

余嘗謂己丑同年生君與廖季平李嘯溪周展臣可爲四

時人傳展臣墓有宿草今君又殉國難幸而後死異日當踐斯言也
烏衣門巷忍重來

奇觚願詩前集

奇觚願遺詞

長洲葉昌熾

慶清朝

題王酉室半偈龕圖 圖爲文文水筆翁尙書師舊藏也許丈鶴巢識爲尊甫鳧舟先生故物光緒庚辰

尙書典禮聞許丈被放遂以此圖歸之並填詞爲贈有云投珠遺恨略補前因愛士盛心可感也已韜甫前輩復屬張雨生刺史對臨此幀出以徵題敬步卷中原韻

青桂連蜷一袈裟地佛龕雕縷如新

百穀與王元美書云燕山匠者善造阿育王塔

雕鏤若鬼工擗歸樹於半偈龕前青桂之下一袈裟地

白毫彈指非非夢亦成塵

伯穀夢偈

云佛手指端放毫白光如十匹練又云若云非夢卽非非夢

贏得後來好事一圖分作兩

家春今猶昔從來大隱都住金門

此日停雲羣從論休承

才訓數到君身祖庭愛士洵濡欲濕枯鱗苦歎焦桐未遇殷

勤爲拂爨餘痕投珠恨轉成佳話翻盡陳因

疊前韻贈集隱丈

盤石留題松窗半偈溫岐詩句翻新松窗半偈見溫飛卿畫盤石寺留別成公詩

圖重展猶留燕市緇塵還我青瑣故物依稀寒谷忽生春誰

持贈虞山夫子當代龍門憶否銅坑山谷看梅花如雪百

億分身歸來痛飲湖邊網得銀鱗曩日紀羣小友鬢霜已改

鏡中痕歸何日山中老柏共話前因余至鄧尉尋梅輒主丈家問宿柏因社

再疊前韻伯穀爲汝南袁公客再游燕市袁公已捐館舍時相有修怨者或勸伯穀自諱毋言袁公伯穀謝不

從感其事
再賦一闕

燕市重來袁公何在一枰棋局更新青驄巷陌依然十斛香

塵惟有平津車廐棠梨零落不成春搖鞭過燕剛辭墨雀可

羅門我亦汝南舊客笑猶攜章甫遠適文身酒杯澆盡腹

中兀自生鱗太息桓譚逝矣篋書黯淡舊題痕摩挲久愴然
隕涕不省何因

瑣寒窗

送蒿隱歸樵出朝陽門詞以誌哀

刮面驚沙朝陽門外索車南下丹旄飄揚橋畔蕭蕭鳴馬歎
金門十載郎潛魂歸誰與杯重把但西風躑躅衣冠如雪道
旁送者斯人今不作念吾黨何依禮堂長夜精亡脈極都
爲蟲魚注雅矧茂陵賸稿無多盛年早共應劉謝爲料量齷
齷殘篇清淚如鉛瀉

前調

聞舅氏南山先生計次前韻

一昔人天渭陽情重愴然淚下甥舅齊年束髮同騎竹馬到
中年哀樂偏多養生桐梓忘拱把最傷心母氏同懷七子遂

無存者 憶平頭籠燭每短巷相從輒逾深夜一廬聊寄繼
掖依然儒雅何田家一院荆華臨風俄見三株謝信彭殤自
古難齊水黽爲陵瀉

清平樂

八月十九日丙子暨兒輩北來仍寓東鐵匠胡同舊廬

城西地迴門掩蓬蒿靜燕子歸來巢乍定猶憶舊時門徑
古碑金薤盈箱亂書束筍堆牀試問幾多家具兩三薄笨車
裝

桐城姚氏竹葉亭邊地

翁尙書師云此地爲姚伯昂先生舊宅

閱世生人人閱

世傳舍古今如寄 閉關聊學瞿曇著書敢比桓譚檐畔依
然垂柳儼然身在江南

解語花

汪範卿主事新納姬人湘產而育於滎陽潘氏明慧寡儔卻扇之日置酒觴客因事未赴詞以賀之

銀潢一角析木津邊有小星飛渡纖腰如許前身是管領章
華舊主秋風江渚試羅襪凌波微步憑蹇修桂櫂蘭旌來自
瀟湘浦猶憶花橋白傅正家鄰水閣隨侍蠻素謂西綺筵
今日開金屋平視從容揮麈自呼負負修不到傾城一顧千
尺深潭水桃花持比君情愔

摸魚兒

何頌圻比部屬題西湖放棹圖宋張
梅淵有重過西湖此闕因次其韻

正清和嫩晴天氣湖光山色如浣煙波一舸重來處回首舊
游未遠鶯燕喚渾不似斷橋流水寒雅岸市朝苦短悵南渡
滄桑西冷烟柳共此歲華換嗟今昔狐貉一聲平邱相伴賢
愚同盡何限滔滔誰作中流柱金石波心不轉稽阮懶不過
是倚佯載酒江湖畔乾坤塵滿且攬轡登車鳴珂倬直來適

子之館

木蘭花慢

費芝雲兵部感懷詞六首悼其亡姬作也出以見示爲賦此闕

彩雲吹易散渺天上與人閒歎鈿盒空留香篝未冷夢醒燈
殘新詩鬱伊善感斷么絃淒絕不勝彈已是舜華易萎空教
好夢徵蘭 瑤臺何處佩珊珊不見有青鸞憶碧玉初來胥
江一舸共挂煙帆長安十年如夢菱荷衣惜隱負青山異日
五湖深處淩波羅襪重還

沁園春

馬纓花

車蓋亭亭斜日未西濃遮屋簷看織成茜罽柔還似毳吹將
柳絮撒不因鹽絳節珊珊碧幢冉冉銷盡當空火繖炎風幡
引有竿旌析羽染以朱湛

湛卽漸字

倘教開傍妝匳似蕩漾流

蘇羅畫檐更絳紗繫處同心試綰紫羅翦就纖手輕拈近看
如無深藏不見隔著牆頭春色添空階畔賸蒙茸殘雪采亦
盈檐

蔽日迎風早暮陰晴天然羽幢每朝霞初起濃陰似蓋書帷
月上共捲昏黃檐漾簾波低圍步障又似屏風六角張翩翻
影瞥鞦韆飛下翠襪紅裳迴廊立盡斜陽到今歲花時欲
斷腸歎朝朝暮暮淒淒切切空言蠲忿憂反難忘花落花開
優曇一現慧業靈根總渺茫人間世真電光石火難遣彭殤

奇觚願遺詞